

## PWYLLGOR RHEOLI NEUADD GOFFA Y FELINHELI

### AMODAU LLOGI A RHEOLAU Y NEUADD

#### 1. Trefniadau Llogi

- (i) Mae gan Pwyllgor Rheoli Neuadd Goffa Y Felinheli ('y Pwyllgor Rheoli') yr hawl di-lyffethair i wrthod llogi y Neuadd Goffa ('y Neuadd') i unrhyw berson neu gorff.
- (ii) Ni chaniateir llogi y neuadd gan unrhyw berson dan 21 oed.
- (iii) Ni chaniateir llogi y Neuadd ar gyfer partion i bobl o 13eg i 21ain oed heb ganiatad arbennig gan y Pwyllgor Rheoli.
- (iv) Bydd taliad a blaendaliad yn daladwy yn unol â'r rhestr taliadau.
- (v) Rhaid i'r sawl sydd yn llogi y Neuadd gwblhau y ffurflen sydd wedi ei atodi ynghlyn a chyflenwi alcohol.

#### 2. Canslo

- (i) Os fydd y llogwr am ganslo hurio y neuadd cyn dyddiad y digwyddiad neu achlysur bydd yn gyfrifol am gost llawn y llogi os na ellir ail-logi y Neuadd i ddefnyddiwr arall yn ei le. Bydd gan y Pwyllgor Rheoli yr hawl i leihau y tal yn ôl ei fympty.
- (ii) Os difrodwyd y Neuadd fel na fydd mewn cyflwr addas neu ddigonol ar gyfer defnydd y llogwr ni fydd y Pwyllgor Rheoli yn gyfrifol am unrhyw golledion i'r llogwr ond fe ad-delir unrhyw swm a dalwyd gan y llogwr i logi y Neuadd neu rhan cyfranol o'r swm os llogwyd y Neuadd am gyfnod o amser ac amharwyd ar ddefnydd y llogwr o'r Neuadd dros rhan o'r cyfnod.

#### 3. Diogelwch

- (i) Bydd y llogwr yn gyfrifol am yr holl dulliau gweithredu ynghlŷn â diogelwch ac argyfyngau tra yn y Neuadd. Yn benodol rhaid i'r llogwr sicrhau fod person cyfrifol yn bresenol bob amser yn ysod y cyfnod hurio sydd yn gyfarwydd â'r larymau tan, yr allanfeydd argyfwng a'r dulliau gweithredu perthnasol mewn argyfwng a bydd y person hwnnw yn gyfrifol am oruchwylio gwacáu yr adeilad mewn argyfwng.
- (ii) Rhaid sicrhau bob amser bod yr allanfeydd argyfwng yn glir ac nad ydynt ar unrhyw adeg wedi eu rhwystro mewn unrhyw ffordd.

#### **4. Gofal o'r eiddo**

- (i) Os bydd y llogwr yn darganfod unrhyw ddifrod i'r eiddo neu i unrhywbeth yn y Neuadd ar ôl cyrraedd yn y Neuadd rhaid iddo hysbysu y gofalwr neu aelod o'r Pwyllgor Rheoli yn syth neu fydd y llogwr yn gyfrifol am y difrod.
- (ii) Bydd y llogwr yn gyfrifol am oruchwylio y defnydd o'r Neuadd yn ystod y cyfnod hurio ac am oruchwylio yr eiddo a chynnwys y Neuadd er mwyn sicrhau na ddifrodid y Neuadd neu unrhyw ran ohonno neu unrhywbeth ynddo mewn unrhyw ffordd.
- (iii) Os digwydd unrhyw ddifrod yn ystod y cyfnod hurio yna rhaid i'r llogwr hysbysu y gofalwr neu aelod o'r Pwyllgor Rheoli yn syth.
- (iv) Ni chaniateir rhoi unrhywbeth yn sownd i'r eiddo hefo piniau, glud neu mewn unrhyw fodd arall.
- (v) Bydd y llogwr yn gyfrifol am y gost o unrhyw ddifrod i'r Neuadd neu unrhywbeth yn y Neuadd yn ystod y cyfnod hurio.
- (vi) Rhaid sicrhau bod y Neuadd a'r tir o gwmpas y Neuadd mewn cyflwr glân a thaclus a diogel yn dilyn y cyfnod hurio a bod popeth yn y Neuadd wedi ei ddychwelyd i'w le priodol. Os na fyddant yna bydd gan y Pwyllgor Rheoli yr hawl i godi tal ychwanegol.

#### **5. Defnydd o'r Neuadd**

- (i) Ni chaniateir i unrhyw ddigwyddiad yn y Neuadd barhau tu hwnt i ganol nos.
- (ii) Mae cyfyngiad o 300 ar y nifer o bobl all fynychu unrhyw ddigwyddiad yn y Neuadd.
- (iii) Bydd y llogwr yn gyfrifol am ymddygiad pobl yn y neuadd yn ystod y cyfnod hurio.
- (iv) Ni fydd y llogwr yn caniatáu unrhyw ddefnydd o, neu weithgaredd yn, y Neuadd sydd yn anghyfreithiol nac yn caniatáu unrhywbeth yn y Neuadd a all achosi perygl.
- (v) Ni fydd y llogwr yn gwneud unrhywbeth yn y Neuadd sydd yn groes i amodau Trwydded Eiddo y Neuadd. Yn arbennig ni fydd y llogwr yn caniatáu gwerthiant, cyflenwad neu ddefnydd o alcohol yn y Neuadd. Os rhoddir caniatad gan y Pwyllgor Rheoli i gyflenwi neu werthu alcohol yn y Neuadd yna bydd y caniatad yn amodol ar lynnu yn llym i unrhyw amodau a chyfyngiadau ynghlwm â'r caniatad.
- (vi) Ni chaniateir anifeiliaid yn y Neuadd ag eithrio cŵn tywys, heb ganiatad arbennig y Pwyllgor Rheoli.

- (vii) Ni chaniateir arddangos posteri neu hysbysebion y tu fewn neu thu allan i'r Neuadd heb ganiatad y Pwyllgor Rheoli.
- (viii) Ni chaniateir cadw unrhyw eitemau yn y Neuadd heb ganiatad y Pwyllgor Rheoli ac os bydd y Pwyllgor Rheoli yn caniatáu cadw unrhyw eitem yn y Neuadd y tu allan i'r cyfnod hurio rhaid cadw yr eitemau yn y lle a bennwyd gan y Pwyllgor Rheoli. Gall y Pwyllgor Rheoli fynnu bod unrhywbeth a gedwir yn y Neuadd trwy ganiatad yn cael ei symud gan y llogwr ar unrhyw adeg, naill ai i le arall yn y Neuadd neu allan o'r Neuadd yn gyfangwbl. Ni chaniateir cadw bwyd yn y Neuadd. Cedwir eitemau yn y Neuadd ar risg y llogwr ac ni fydd y Pwyllgor Rheoli yn gyfrifol am unrhyw golledion neu ddifrod i eitemau a gedwir yn y Neuadd.
- (ix) Ni chaniateir ysmegu yn y Neuadd nac unrhyw le tu allan i'r Neuadd ar dir y Neuadd.
- (x) Ni chaniateir bels gwair neu wellt yn y Neuadd.
- (xi) Ni chaniateir tan gwyllt yn y Neuadd. Ni chaniateir tannio tan gwyllt na chynnau tan y tu allan i'r Neuadd ar dir y Neuadd.